



ჯანმრთელობის დაცვის პოლიტიკის სამმართველოს
უფროსს მეორადი სტრუქტურული ერთეულის
ხელმძღვანელს მოვალეობის შემსრულებელს
ქალბატონ ეკატერინე ადამიას

სოციალური დაცვის პოლიტიკის სამმართველოს
მეორადი სტრუქტურული ერთეულის ხელმძღვანელს
ქალბატონ თეა გვარამაძეს

შრომისა და დასაქმების პოლიტიკისა და კოლექტიური
შრომითი დავების სამმართველოს მეორადი
სტრუქტურული ერთეულის ხელმძღვანელს ქალბატონ
ლიკა კლიმიაშვილს

შრომითი მიგრაციის საკითხთა სამმართველოს
მეორადი სტრუქტურული ერთეულის ხელმძღვანელს
ბატონ გიორგი ბუნტურს

დევნითა და ეკომიგრანტთა პოლიტიკის
სამმართველოს მეორადი სტრუქტურული ერთეულის
ხელმძღვანელს ბატონ დავით კაიკაციშვილს

კოლეგებო,

გიგზავნით საქართველოს საგარეო საქმეთა სამინისტროს 2019 წლის 28 ოქტომბრის N01/41131 წერილს და გაცნობებთ, რომ 2020 წლის 3 აგვისტომდე საქართველომ ადამიანის უფლებათა საბჭოს უნდა წარუდგინოს უნივერსალური პერიოდული მიმოხილვის (UPR) მე-3 ციკლის ფარგლებში ადამიანის უფლებების დაცვის თაობაზე ყოვლისმომცველი ანგარიში. ამასთან, როგორც მოგეხსენებათ, ადამიანის უფლებათა საბჭოსთვის გაგზავნამდე არაუგვიანეს 2 თვისა, ანგარიშის პროექტი საქართველოს მთავრობის მიერ წარედგინება პარლამენტს რეგლამენტის 173-ე მუხლის მე-4 პუნქტის შესაბამისად. აქვე უნდა აღინიშნოს, რომ წარდგენილი ანგარიშის განხილვა გაიმართება ადამიანის უფლებათა საბჭოს 2020 წლის 2-13 ნოემბრის 37-ე სესიაზე, რომელშიც უშუალოდ მიიღებენ მონაწილეობას შესაბამისი სახელმწიფო უწყებების მაღალი რანგის წარმომადგენლები (დანართის სახით წარმოგიდგენთ 2015 წლის განხილვაში მონაწილე საქართველოს დელეგაციის შემადგენლობას).

უნივერსალური პერიოდული მიმოხილვის მე-2 ციკლის ფარგლებში, საქართველომ ადამიანის უფლებათა საბჭოს ანგარიში წარუდგინა 2015 წლის 10 ნოემბერს.

ამასთან, წარდგენილი ანგარიშის განხილვის შედეგად, საქართველოსთან მიმართებით, შემუშავებულ იქნა 203 რეკომენდაცია, რომელთაგან საქართველომ მხარი დაუჭირა 191 რეკომენდაციის შესრულებას. სხენებულ კონტექსტში, აღსანიშნავია, რომ უნივერსალური პერიოდული მიმოხილვის მე-2 ციკლის ფარგლებში, საქართველოს მთავრობამ აიღო ნებაყოფლობითი ვალდებულება, წარედგინა შუალედური ანგარიში მიღებული რეკომენდაციების შესრულების თაობაზე. შუალედური ანგარიში საქართველომ წარადგინა 2019 წლის მარტში.

UPR-ის მე-3 ციკლის ფარგლებში საქართველომ უნდა წარადგინოს ანგარიში საანგარიშო პერიოდში განხორციელებული რეფორმების შესახებ.

ამავდროულად, ანგარიშთან ერთად, ადამიანის უფლებათა საბჭოს უნდა წარედგინოს უნივერსალური პერიოდული მიმოხილვის მე-2 ციკლის ფარგლებში მიღებული 191 რეკომენდაციის შესრულების შესახებ ინფორმაცია.

ყოველივე ზემოაღნიშნულის, ასევე იმის გათვალისწინებით, რომ მოცემული ანგარიშის პროექტები პარლამენტს უნდა წარედგინოს არაუგვიანეს 2020 წლის 3 ივნისისა, გთხოვთ, თქვენი კომპეტენციის ფარგლებში (შესაბამისი სსიპის პოზიციის/ინფორმაციის გათვალისწინებით), 2019 წლის ბოლომდე (არაუგვიანეს 25 დეკემბრისა) მოგვანოდოთ ინფორმაცია ქართულ ენაზე უწყების მიერ საანგარიშო პერიოდში ადამიანის უფლებათა დაცვის სფეროში განხორციელებული რეფორმებისა თუ სიახლეების შესახებ უნივერსალური პერიოდული მიმოხილვის მე-2 ციკლის ფარგლებში წარდგენილი ანგარიშის საკითხების

მიხედვით (იხ. დანართი). თუმცა, უწყება არ არის შეზღუდული ახალ ანგარიშში შეიტანოს ისეთი საკითხებიც, რომლებიც მასში არ არის ასახული.

საგარეო საქმეთა სამინისტროს თხოვნაა, წარმოდგენილი ინფორმაციები იყოს მოკლედ შეჯამებული, რადგან ანგარიშის მოცულობა შეზღუდულია და იგი მთლიანობაში არ უნდა აღემატებოდეს 20-23 გვერდს ქართულ ენაზე. ამასთან, გასათვალისწინებელია, რომ ანგარიშში გარდა ადამიანის უფლებათა მდგომარეობის გაუმჯობესების მიზნით მიღწეული პროგრესისა, სასურველია აისახოს არსებული წინააღმდეგობები და დაბრკოლებები, ასევე, ხედვები ამ პრობლემათა მოგვარების მიზნით.

ამასთან, როგორც გვეით აღინიშნა, ანგარიშს უნდა დაერთოს მე-2 ციკლის ფარგლებში საქართველოს მიერ მიღებული რეკომენდაციების ჩამონათვალი და მათი შესრულების მიზნით, საქართველოს მიერ განხორციელებული ღონისძიებები. იმის გათვალისწინებით, რომ რეკომენდაციების შესრულების შესახებ შუალედური ანგარიში მომზადდა და წარდგენილ იქნა 2019 წელს, გთხოვთ, უნივერსალური პერიოდული მიმოხილვის მე-2 ციკლის ფარგლებში მიღებული რეკომენდაციების შესრულების თაობაზე ინფორმაცია (შესაბამისი სსიპის პოზიციის/ინფორმაციის გათვალისწინებით) განაახლოთ წარმოდგენილი ცხრილის თანახმად (იხ. დანართი). ინფორმაციის განახლებასთან ერთად, გთხოვთ, ასევე (შესაბამისი სსიპის პოზიციის/ინფორმაციის გათვალისწინებით) მიუთითოთ სტატუსი იმის თაობაზე კონკრეტული რეკომენდაცია შესრულებულია, იმპლემენტაციის პროცესშია, თუ არ არის შესრულებული. იმ შემთხვევაში, თუ კონკრეტულ რეკომენდაციის შესრულებასთან დაკავშირებით სამუშაოები არ განხორციელებულია, სასურველია, რაც შეიძლება სწრაფად, დაიწყოს მათი შესრულების პროცესი. იმის გათვალისწინებით, რომ აღნიშნული რეკომენდაციების შესრულება მხარდაჭერილი იყო სახელმწიფოს მხრიდან უწყებებთან კონსულტაციის შედეგად.

ასევე გაცნობებთ, რომ უნივერსალური პერიოდული მიმოხილვის მე-3 ციკლის ფარგლებში, 2020 წლის 19 მარტამდე ანგარიშის წარდგენის უფლება აქვთ აგრეთვე არასამთავრობო ორგანიზაციებს. ამასთან, მას შემდეგ რაც დასრულდება ანგარიშის პროექტის მომზადება, იგი წარედგინება არასამთავრობო სექტორს მათი მოსაზრებების გაზიარებისათვის.

პატივისცემით,

საერთაშორისო ურთიერთობებისა და
პროტოკოლის სამმართველოს უფროსი,
მეორადი სტრუქტურული ერთეულის
ხელმძღვანელი

ხელმოწერილია/
შტამგადასმულია
ელემენტარულად



მარიანა მკურნალი